

玉紅草堂七言古詩第三卷目次

甲戌五十三首

與天津諸少年談詩 五哀歌



崑崙女子歌 神僊謠 張念茲

對酒作 風吹落花詞 嗽金鳥

送輪菴文和尚還吳門 緩緩歸曲

曲池之水歌 登樓曲 開山歌

阿子歌 與公共醉歌 大風

書所聞 美人曲四首 尹賞歌

騎馬曲 休洗紅 雨中有懷六首

醉時歌 東樓曲 聞少年節婦哭

夜遊神 秋燈行 贈龐宣仲

玉紅草堂

卷之三目錄

一

清河小兒歌 上谷歌兒 筵間曲

讀書秋草園 程上九惠酒 方鏡詞

有所聞 龍鳳曲 送張念菡入秦

笨山歌 勉劉秀才

聞張笨山自秦歸

乙亥二十九首

春風歌 元夕作 隣樹 相知歌

有索予為祭文者賦以謝之

食河豚歌 春盡 蛇吞蝦蟆行

示胡執中 好風歌 雨中有懷七首

海上白頭翁 立秋夜聞蟋蟀

前種竹歌 後種竹歌 謝宋老惠麪

老母慶辰作 拆拆洗洗 姑蘇曲

題笨山掘藏圖 自壽 送謝聘三喪

醉僧歌

丙子十七首

草堂試茶歌 贈湯逸林 竹笑詞

折花箴 當致酒 隣樓歌者

紀事二首 假龍吟 看人午睡歌

雲水謠 行樂曲 桑苧翁

采采歌二首 今之養親歎

題拙菴臺遊詩後

丁丑十首

勸咎仲緒飲 大風歌 嗟汝歌

玉紅草堂

卷之三目錄

二

送春 白雲吟 黃昏 堂堂曲

與笨山聯字 苦雨謠 悲歌

戊寅十三首

看劍飲酒歌 思悲翁曲 巫娥

殘鶯曲 嫵嬛遊二首 金翅鳥

張念茲招飲 塞上太平春

讀桃花源記作 芝郎以枸杞酒飲我

多心謠 與張笨山聯字

巳卯十二首

古道芳草行 打野鴨謠 海雪 紀獵

與張笨山聯字 與張笨山高兩詩聯字

嗟彼二章 塞雪 種瓜詞 登樓歌 潭花曲

玉紅草堂七言古詩卷之三

天津龍震東溟甫著

康熙甲戌

是年春遊東西兩山詩另作一卷

與天津諸少年談詩

十五國亡屈宋死風騷千古無人起胡爲欲振累代衰
乃屬天津少年子城中城外結詞壇河西河東多名士
語綺大半仿齊梁目空早已無杜李七步八又不足論
一揮萬言差可喜能詩真是有別才何須讀破經書史
昨朝有客索子詩嗟子有詩非得已年來悲歡不分明
聊以濡墨塗神鬼聲調誰知宮與商體裁不定興與比
人生有言皆所遇所遇不同無知己君不聞大安禪師
在瀋山三十年屙瀋山屎

玉紅草堂

卷之三

七言古詩

一

五哀歌

嗚乎一歌兮哀已殷最難會合是風雲唐虞之際有三
苗桀紂之世出湯文嗟乎爲君苦兮臣亦苦使我讀古
淚如雨

嗚乎二歌兮哀最陡古來慈孝不同有堯位難爲丹朱
傳大禹功成鯀已朽嗟乎父柰何兮子柰何思之令我
心蹉跎

嗚乎三歌兮哀欲迷最多變幻是夫妻終風之詩情切
切鼓盆之歌聲悽悽嗟乎倡隨大義古猶絕幾人同室
如同穴

嗚乎四歌兮哀聲響闕墻之風日以長周公不免終誅
鮮重華幸得還封象嗟乎兄固難兮弟亦難讀古今我



酸心肝

嗚乎五歌兮哀聲墮結交輕易熱如火家貧都怨世無
鮑途窮誰肯先爲左嗟乎人不信我我疑人安能白首
不如新

尾歌

我歌五歌兮哀最深哀不及漢兮况於今世風日降兮
勞我心仲尼猶嗟兮生不辰我何人兮而思爲葛天氏
之民

崑崙女子歌

何人投妾珠玉璫妾顏不借珠玉光何人投妾蘭麝香
妾身不借蘭麝芳何人比妾神女妝妾志不在楚襄王
何人比妾天孫行妾夫不是牽牛郎妾夫家住東扶桑

玉紅草堂

卷之三

七言古詩

二

妾生本在崑崙岡木公金母通陰陽雲車風馬來相將
十二萬年與頡頏恩深義重無參商時赴瑤池醉玉漿
時看廣寒舞霓裳十洲九陔任翱翔歸時同騎青鳳凰
妾夫浩氣過於剛每憎星雲雜妖祥突向金闕上奏章
天帝惡其太放狂遂令謫下紅塵鄉升沉消長使叅詳
順之則存逆則亾天外有天曰混沌妾將與夫主此方

神僊謠

秦皇漢武求神僊神仙聚泣仙山顛吾輩爲仙豈得已
葉衣草食苟免死當年思立尺寸功人間無門見天子
而今天子降心來所期於我何有哉推出白雲鎖蓬萊
窮麟孤鳳聲哀哀

張念茲

座中不見張莖史莖史之弟突來此最厭握管弄蠅聲
高聲爲予說山水山海之山多峩峩山海之海真瀾瀾
曾帶健兒逐虎行白雲動向馬頭起名泉寶剎不足數
奇峰怪樹差可喜又上邊城看海日半夜霞光燦金紫
波濤吞吐乍升沉扶桑萬里如尺咫問我讀書何時閒
相隨遊獵出榆關爲汝滿斟酪酥酒看予射鵬黃匡山
對酒作

風吹落花詞

好花本開樹上枝風吹花落樹不知落花隨風遶樹飛
玉紅草堂

卷之三

七言古
詩

三

樹不留花風亦悲

嗽金鳥

嗽金鳥食龜腦若無珍珠還不飽時時吐金一屑小明
帝宮中爭作寶

送輪菴文和尚還吳門

文公名儒之子孫文章聲價高崑崙昔曾幕府佐將軍
翻身投筆入沙門沙門遁跡心已止無端忽動天子喜
三千里外住玉泉日向僧民說性理性理空談何日休
白雲不斷水長流西山有石不點頭依然杖錫歸虎丘

緩緩歸曲

誰作遊子不思家誰行春陌不看花看花莫爲花斷腸
思家莫爲家踉蹌子規鷓鴣雙雙啼玉樓紅樹影迷茫

君不見邯鄲少年花間醉琵琶聲裡昏沉睡黃金蕩盡
不知返春雨滴殘桃李淚又不見閨中少婦折柳枝長
亭短亭哭相思馬上回頭定歸期何暇更有看花時吁
嗟乎春不看花花易槁春不歸家人易老歸與歸與緩
緩行緩緩看花歸有情十里五里花相送千朵萬朵香
風生好花看遍遊乃止梁間燕子迎人喜

曲池之水歌

曲池水不死藻荇賴以生曲池水不渾魚鳥賴以清彼
滔滔者藏鯢鯨日夜不息怒濤聲

登樓曲

登樓復登樓樓中人紛紛不看樓下水但看樓上雲水
面白鷗照孤影雲邊烏鴉飛成群

玉紅草堂

卷之三

七言古詩

四

開山歌

洪荒大風吹水流洪濤跌蕩成石頭高低之勢雖不同
嗟呀環抱皆深幽何人最初事開鑿至今人但說金牛
五嶽半是神僧塔三山豈止僊人樓神僧仙人總難學
却教乾坤與室通車舟吁嗟乎白雲翠霧洩將盡不成
坑陷何能休

阿子歌

阿子歌歌聲媚以哀阿子歡聞否少年早看洛陽春十
千須買新豐酒新豐酒美尙可常常沽洛陽春色未必
時時有阿子歌歌聲哀以促阿子歡聞聞不足

與公共醉歌

吳之姬楚之娥爲公一歌公賜羅大垂手小垂手爲公

一舞公進酒歌莫停舞莫停與公共醉不欲醒

大風

夜半大風欲拔屋心驚神亂不能宿晨起沙土埋書臺
摧殘無數閒花竹聞道南村麥將熟著風未定禍與福
皇天何心困士農莫教終老絕糜粥

書所聞

昨夜雷雨已驚人不知水電聞更罕鄉村父老來城說
大者如升小如盃幾家茅屋竟打穿幾處麥根都鏟斷
偏是蝗蟲無一傷群飛食肉天不管

美人曲四首

彼美人兮在高山蘭爲心兮玉爲顏生不相遇空相關
焉得化作白雲與往還

玉紅草堂

卷之三 七言古詩

五

彼美人兮在瀟湘風鬟雨髻思渺茫生不相遇空相望
焉得化作水中雙鴛鴦

彼美人兮坐高樓垂簾自梳蓮花頭生雖相見不相謀
香風彩霧空悠悠

彼美人兮倚薜蘿顰眉低唱長恨歌生雖相憐難相過
美人美人我奈何

尹賞歌

賞字子心鉅鹿人永始元延間守長安

虎穴虎穴至今有地深數丈石蓋口尹賞尹賞今已無
群兇得意相歡呼

騎馬曲

少年騎烈馬如飛鞭尙打老年騎羸馬不走轡猶把把
轡各惜老年身騎馬莫學少年人

休洗紅

休洗紅紅落衣便舊縱使再染紅衣舊紅不受新紅舊
紅漫相譏于今人無三年衣

六月初一日雨中懷六首

滿街泥水滾濁浪滿天雲霧遮清風巷南巷北半里許
一魚一鴈難相通彼姝者子善清睡日日應掉華胥臂
媿我張目坐夢中白晝陰森對妖魅妖魅妖魅可奈何
澆以斗酒遣以歌

張念菘

近聞陸子不得意酷暑病卧旅館床連朝風雨正滿耳
無乃聽之懷故鄉故鄉若不高車還恐令骨肉無歡顏
於今戎功更難立君且休憶玉門關我有宮藏一尺墨
待君同磨開鬱塞

陸筠巢

玉紅草堂

卷之三

七言古詩

六

梁家兄弟雙南金好奇不讓昔岑參欲往從之拾好音
長街泥水三尺深我兄有馬尚許借欲借雨來仍復罷
几榻出汗壁生毛齷齪何以遣長夏焉得之子有詩來
使我一讀百愁開

梁果村

我思道士在河干葛衣百結匏子冠日日吟嘯青松間
時常爲我取琴彈我欲乘舟一相訪風雨如磐不可往
黑雲遮斷赤欄橋依稀尙聞山鐘響山鐘響罷雷殷殷
此際相思何紛紛

王野鶴

北來雨氣迷西沽草堂一望雲模糊草堂老人胡爲乎
應看水鶴飛深蘆昔共蘆邊對明月回首兩月何倏忽
於今蘆荻想更深東籬西院蒼烟沒我欲披蓑汎野航
焉能坐待生秋霜

世高老人

風雨淒淒誰最難
易水王郎六月寒
妻喪女幼弱軀病
雙親雖健年已殘
客中一身猶寄食
何能菽水承親歡
嗚乎書生讀書不成家
已棄空教勉強向人媚
我雖有恨尚可寬
幾番反爲君酸鼻

王又來

醉時歌

此地爲誰地
此時是何時
眼前衆人終爾汝
果能痛飲方吾師
觥籌紛紛置我前
都云罰我我不辭
風淒淒雨淒淒
乾坤無不醉如泥
我何不醉空慄慄

東樓曲

何人酌酒秋樓東
高燈徧剪珊瑚紅
客柔姬媚參差坐
醉中一笑飄春風
何人暗影樓下立
河漢無聲淚空濕
白露橫天更漏深
流螢墜地寂寂拾

玉紅草堂

卷之三

七言古詩

七

聞少年節婦李維泰之妻哭

北樓嫠婦髻方綠
中夜常抱孤兒哭
其聲不高氣咽喉
隔牆聽之消肌肉
公早學仙姑已亡
何能更依諸伯叔
伯叔最富者誰行
深知姓李名隱揚
嬌妻寵婢佩明璫
豈難一活親孤孀

夜遊神

十丈長人行野中
手握月光騎秋風
千塊陰火出草綠
滾滾圍住長人哭
初猶嗚咽聲漸高
有聲忽叫休嘈嘈
冷影如向長人揖
揖起白骨玲瓏立
云子俱非同時人
下及元宋上嬴秦
讀書學劍蹉跎畢
遺編刺史姓名失
空生徒死天不聞
兇孫老盡平荒墳
風雨常刺骷髏節
星日不照狐狸穴
長人點頭心頗哀
掀鬚大叫崩驚雷

願爲汝等扣天門遣龍來迎英雄魂劃然語罷不知處
曉霜冷壓青松樹

秋燈行

百蟲聲起愁亦起一燈冷影人孤倚殘粟暗落銷青烟
虛光凝淡如白水微風入簾輕相逼欲搖不搖寒無力
幾回怕招山鬼吹無端苦被飛蛾抑嗚乎燈耶豈有情
感此涼秋知變色却不見絃歌響振東樓中蘭膏徹夜
照人紅

贈滄江龐宣仲

龐公年忽六十餘少年博讀諸家書千卷萬帙總無用
棲身市井業鹽魚東馳西走復無用蕭蕭一蹇歸田廬
方知世事如飛電乃好神仙學修鍊水火未濟病先成
玉紅草堂

卷之三

七言古詩

八

常常扣齒與鬼戰昔年公去爲公憂今年公來爲我留
相看豈但公憔悴我亦無成早白頭

清河小兒歌

清河小兒本愛色無端強云兼愛才黃金捧出玉堂開
紅裙珠履相爭來美人有貌腸應絕才子無骨腰易折
滿院蘭桂失秋風彩雲不散寒香熱

上谷歌兒

上谷歌兒歌清秋繁絃高逐停雲喉低繫紅裙斂雙足
秋波不定飛寒玉四座賓客不轉目湘娥素女含羞辱
歌聲欲歇媚更工紛紛催賜鑄山銅

筵間曲

小妓告別情低回諸郎惜別顏色灰已教斷盡蘇州腸

那能更持蘭陵孟老子身貧貌且醜香飛玉倚復何有
呼奴滿酌文犀樽醉爲諸郎招秋魂

讀書秋草園

十年屏跡絕春風門外落盡繁花紅春風不知何處老
小園日日生秋草秋草滿園未全荒殘烟淡沒讀書堂
平生事業飽秋光久與世路兩茫茫讀我園中書看我
草上霜讀書無所得秋草照顏色朝見寒蝶猶飛來暮
聞蟲聲長歎息人間芝蘭香且密空教萬卷藏荆棘對
此秋草可奈何拋書反欲成高歌

得滄江程上九惠酒因念知酒人而作

程子家居滄江城年年寄我滄江酒今日酒來涎已流
欲開不開念我友我友笨山不善飲得此輒敢言升斗

玉紅草堂

卷之三

七言古

九

喜其香清頗若蘭更愛味淡只如藕去年有酒因相送
彼善封藏氣不走非論文字不輕開與我共飲數月久
人能知物物始貴若泛飲者何足有明朝仍欲連甌贈
未解色香如昔否

方鏡詞

方鏡方鏡鑄何異形不法天乃法地紫烟鍊盡秋水寒
照人心膽難藏避嗟哉此鏡久塵埋尹邢日日爭妍媚
今朝忽取置空堂千尺光中走妖魅世間圓鏡不足奇
雖明猶受人轉移入手易合雲翳生常教美醜相猜疑
可憐反擬如滿月月滿豈無陰晦時此鏡體方人影正
用鏡人須用方鏡

九月初六日有所聞

月之華日之精老狐一得九尾生飲人血食人腦雷火
無靈不誅討行人積忿日以深有人拚死入妖林老狐
惡滿忽如醉乘隙一擊妖骨碎赤光黑霧冲天飛遂令
日月無光輝

龍鳳曲

鳳生九雛皆是鳳龍生九種俱非龍龍之白骨世常得
鳳有青毛誰能逢高岡梧桐久寞寞大海波浪空洶洶
予愧鳳德甘尺蠶溝渠任使泥沙封

送張念菥入秦

君家世居東關中君兄宦遊西關中東西相去數千里
其間多少佳山水君家家山已磅礴如何日思登五嶽
五嶽分立鎮九州誰能一生得遍遊君今探兄西入秦
玉紅草堂

卷之三

七言古

十

汗漫之志殊能伸我聞君從大梁走嵩高指日對馬首
我聞君從山西歸恒山焉肯與君違君到百二關莫止
遊華山若商洛若終南此處皆可少停驂但恐君有濟
世心而無濟勝具僊隱在高深相望難相遇况當冰雪
日漸多衡山雖近不能過人生有志終必逮何妨暫且
歷其概早歸來兮明年我將與君謀遊山東之秦岱

笨僊歌贈張笨山

僊中有笨仙我爲笨仙歌歌聲非金石獨覺慨慷多於
乎笨仙不在山笨仙不在天騎白驢握綠編樵青漁僮
相隨嘯傲蓬蒿間嗟彼芙蓉城崑崙崑崙崑崙崑崙琪花
瑤草雲車風馬光紛紛鸞旌鳳佩香繞繞醉倚玉女肩
痒爬麻姑爪移南山倒東海日月聽其嗚呼烟霞爲之

變改此非笨仙之所能亦非笨仙之所好不能與不好
往往爲雲中之雞犬笑噫嘻吾聞僊是天上之隱人隱
是人間之仙人隱非仙兮仙所親仙不隱兮仙不眞若
笨仙之眞知隱善用笨可以保年可以消憤吾將學焉
而與之遊

勉劉秀才鉞

愛汝久已不以貧爲苦邇來苦貧吾甚疑豈以少年輕
散千金資而今始悔少年時勸汝莫悔少年時千金如
在汝應癡汝不見於今碌碌裘馬子塊然居世無所知
汝之所苦不在茲汝之所苦殊可思汝念汝父心最危
養生送死已無虧汝庶母與庶母子素爲汝父心所私
幼者未婚老者病非汝保全更依誰汝固一身皆任之
玉紅草堂

卷之三

七言古
詩

十一

聞張笨山自秦歸

風微微雪霏霏吾聞吾友千里歸長亭迎者多輕肥吾
但煮茗開吾扉吾知吾友不我違

康熙乙亥 七言古詩

春風歌

春風吹天天氣融春風吹地地氣通天上地下交春風
春風寒春風煖春風急春風緩萬物俱在春風中誰能
獨向春風懶不懶其如春風何登樓且唱春風歌

元夕作

東家燈西家見西家酒東家戀王孫墮馬女墮鈿何人
獨立月明院手持團扇障羞面

隣樹

有地種松不宜松有地種竹不宜竹隣家有樹何其高
春風一來枝枝綠亂根雖常穿我墻清陰亦常及我屋
但恨隣樹終非松與竹秋風一來枝枝禿

相知歌

舊相知生相離新相知死相期相離實可悲相期猶可
疑君須知舊相知卽昔新相知豈復知有別離時

有索予爲祭文者賦以謝之

天下庸人紛紛死所親所友哀而止親友臨喪旣不哀

玉紅草堂

卷之三

七言古詩

十一

必祭以文胡爲哉古人用文頌功德今人用文不可測
縱教諛鬼鬼無知人到諛鬼人何癡

食河豚歌

人云捨命食河豚我以河豚爲性命荻芽已生楊花飛
未得飽食饑欲病兄家煮熟來相呼肥鮮香氣出庖厨
愛極反不思大嚼一尾緩消酒一壺不恐此魚無賤時
但恐賤時此魚無

春盡

春未來時使人思春欲去時使人疑雨雪一春少晴日
一晴誰料春無時可憐桃李飛何急可憐楊柳綠已遲
人生榮悴同草木何嘗草木真無知春光與我旣無分
年來不與春相期收拾琴書開北窗高卧且待南風吹

蛇吞蝦蟆行

淺水淤泥亂草坡日有蛇與蝦蟆過蝦蟆口大蛇口小
蝦蟆智拙蛇智巧蛇口初向蝦蟆吞蝦蟆張口噴蛇倒
蛇倒蝦蟆不肯避踞足瞪目方得意蛇醒再向蝦蟆吞
蝦蟆又吐蟾酥氣吞吐三番氣已完蛇將蝦蟆著力纏
蝦蟆大叫蛇不理蝦蟆不叫蛇飽矣

示胡執中

飛蛾撲燈光不知燈是火猩猩聞酒香明呼人擒我飛
蛾之死死於誤猩猩之死死於故

好風歌

好風好風滿天陰雲爲我著力吹或使歸山中或使落
海湄莫使化苦雨使我中心悲秋田旣不早春麥收最
玉紅草堂

卷之三

七言古詩

三

雨中有懷七首

風颼颼雨恹恹我有懷兮借綠樓借綠樓中人遠遊鄉
思可動鱸魚秋欲往問之無扁舟

風暝暝雨暝暝我有懷兮舊雨亭亭中好睡人應醒葵
藿一飽讀茶經桐涓竹滴誰與聽

風颼颼雨蒼蒼我有懷兮慎雅堂君家兄弟好文章一
唱衆和無參商招之不至心徬徨

風飄瓦雨沒軒我有懷兮抱甕園道人種菜菜自繁無
端常抱機心寬我與道人復何言

抱甕園借居人天涯漂泊孤其身遠拋衰病萱與椿亦

各寄食貧家親風雨何以慰晨昏
風不舒雨不疎我有懷兮在退居草閣窗開四面虛水
鶴飛出紅芙蓉老僧對之意何如
風滿天雨滿川我有懷兮田盤山松泉日日響雲烟聽
之不生憂戚顏嗟我何術逃人間

海上白頭翁

長安道迷水滿野難乘舟復難騎馬却羨海上白頭翁
釣竿常在高灘把得魚不得總無心蓑雨笠風任飄灑
未知子孫有與無但見群鷗集膝下行人問翁長安道
翁乃笑指浮萍草

立秋夜聞蟋蟀鳴床下作

蟋蟀七月當在野如何竟來鳴床下雖然夜深秋已新

玉紅草堂

卷之三

七言古詩

古

草木未經風霜打嗚呼天地肅殺之機蟲先知我不能
知比蟲癡

前種竹歌

用何可一日無此君落韻

津水竹貴且不多欲買其如囊空何昔有瀟湘人贈我
長叢短叢多意可庭前庭後種最密十年不剩十之一
久已不聞風雨聲交差枯槎搖霜日家人每惡庭色枯
零星伐得一竿無落落孤松幸不死撫以盤桓賴有此
松因礫硠不凌雲那能更憶抱節君

後種竹歌

用前韻

道人種竹秋水坡見我便問竹如何山房盡被青光鎖
避人避世無不可杵臼蘇門食竹食我與道人心事一
每思偕隱歎不能到來相對必終日從茲把臂更不孤

清風爲助談虛無憶昔晉之諸君子全真託跡常棲此
而今世道正紛紛珍重竹兮我與君

謝南庄宋老餽麵

多謝南庄老宋老遣兒遠來津門道惠我麥麵數十觔
一半未蒸一半炒久知南庄歲屢荒今春種麥猶蟲傷
秋稼將收半在水吾且憂汝食無糧奈何意真最難却
思以報之整盃酌賒酒勸畱不少畱出門相送雨風落
老母慶辰作 八月初六日

心悄悄形槁槁母兮生我我且老我非有兄弟不飽有
我何多無何少諸姪諸孫蘭桂姿森森亭亭出雲表願
養我母長壽考我兮我兮荒山草

蟲聲有叫折折洗洗者蟋蟀類也卽用其意排悶

玉紅草堂

卷之三

七言古詩

五

折折洗洗聲妾聞非嬾惰洗衣衣色減折衣衣縫破千
染萬補做得成不如郎衣新鮮明

姑蘇曲

一自越女亡荒吳千年媚氣畱姑蘇姑蘇女兒好顏色
苧蘿脂粉爲全枯上大夫下大夫能臣國士何代無但
見連騎選少妹不聞扁舟歸五湖古大夫今大夫獨讓
陶朱能逃誅

題張笨山掘藏圖

笨山雖不貧僅免愁衣食私念滿天下讀書人菜色人
人濟之空有心焉得大地變黃金黃金難得心難明每
遭疑謗來相侵昨忽畫一圖圖中有異狀恍惚似秋夜
燈火竹陰障老嫗村僮三四人各執長鏡與短杖共圍

石板穴驚喜色相望赤光溢其中白鼠走其上細看使
余發大笑乃是笨山來掘藏嗟乎掘藏之事何嘗無於
今掘藏藏無餘山且空兮澤且枯富貴尙相爭錙銖縱
合獲寶億千萬貧士正多徒買怨田文夜食客怒飯不
如馮驩能焚券金有根玉有芽莫管吐氣向誰家願君
掘得光明砂化作芙蓉五色霞使天下之士含其英而
咀其華

九月二十四日自壽

人生四十稱強仕我生今到三十九已無名利繫我心
早有霜華蒙我首書尙何用尙讀書酒能消憂須飲酒
年年不負好黃花冷眼相看盃在手

送表兄謝聘三喪

玉紅草堂

卷之三

七言古詩

六

送君樞出西門霜風滿野白日昏親朋既少且早散相
隨况復無兒孫幾欲哭君聲又吞君與人間已絕恩去
去黃泉莫回首有誰更爲招秋魂

醉僧歌

酒爲沙門戒之首那見沙門不飲酒可憐往往好飲僧
對酒強閉流涎口我見此僧獨不然有酒不顛無酒顛
欲問酒中真三昧僧乃大笑不輕傳但云遠公不解醉
廬山瀑布無滋味

康熙丙子 七言古詩

草堂試茶歌

野寺春寒殘雪白老僧出茗畱閑客云是武夷山中人
去年雨前親手摘細於蘭芽黑於墨烹來初覺無顏色

須臾盃漾琥珀光極擬其香不可得雖經百沸味自冷
一飲頓令宿酒醒晚磬聲中散紫烟清風吹落梅花影
贈揚州湯逸林

廣陵先生氣凌雲當年曾學平原君黃金易散頭易白
無端來作平原客此日痛知作客苦買酒不澆趙州土
獨向青天醉一壺手把繞指柔起舞君起舞我發歌文
章貧賤忼慨多逢人莫怪笑君淺丈夫容易露肝膽天
涯萬事成偃蹇盡付思鄉淚滿眼白馬湖頭春水滿廿
四橋邊春月煖春帆春帆歸且緩三月烟花千里遠

竹笑詞

香風細細吹幽篁娥英恍惚來瀟湘不見淚痕滿衫袖
粲然一笑流青光雙鸞振羽欲飛去猶聞鐘磬聲鏘鏘
玉紅草堂

卷之三

七言古詩

七

折花箴

滿路薔薇花飽看目可悅色香已付汝何必親手折汝
尙記汝折花否花刺往往傷人手

當致酒

當致酒致酒酒復罷黑雲壓平地白晝成昏夜不知愁
滿胸頻怪酒難下風淒淒雨淒淒無愁人都醉如泥

隣樓歌者

隣樓歌者顏如玉下樓入我讀書屋手握三尺柯亭竹
獨倚疎桐歌一曲一曲未終飛綵雲妙曲依然天上聞

紀事

秋燈照酒酒光白座客對酒無顏色犀簾忽動百花影
暗香擁出雙傾國粲然一笑灑春風何人魂落巫山中

紀事

僊山秋夜吐明霞風香雲煖開春花湘娥一鼓燈前瑟
使星醉落天邊槎銀浦女郎愁不寐獨展鮫綃裹紅淚
假龍吟

假龍吟傷我心秋空雲薄苦海泥深泥深不見黃金鱗
滿空空聞銅椀音假龍吟傷我心

看人午睡歌

草簾欲卧卧如炙亭午青蠅散復集高樓薄幔涼風生
樓上有人垂幔入幔外忽停團扇歌黃頭郎執紅拂立
秋蘭香熱蝶魂殘水玉盤消冰影濕

雲水謠

山上白雲飛山下白水圍水不收兮雲不歸山中有人
玉紅草堂

卷之三

七言古詩

七

飢復飢

行樂曲

紛紛樂極悲轉生嗟予悲極樂乃行不歌不飲消肌骨
且歌且飲開心情君不見滿天敗葉飛秋風苦竹笑綠
晚蘭紅

桑苧翁

桑苧翁情何癡閉門著書無人知孤行於野步遲遲歸
來慟哭情何癡

采采歌二首

平露露不平屈軼不屑生我欲登半石之山兮采嘉榮

二

朱草不生郊瑤草媚國中我欲登崑崙之墟兮采玉紅

今之養親歎

父母犬馬同一命養之惟分敬不敬於今菽水空虛名
犬馬反得飲食正無人
不念犬馬飢無人更念父母病
跪乳羊羔反哺烏彼物猶能全天性誰謂禽中無賢聖
可憐人中盡梟獍

題盤山拙庵上人臺遊詩後

老僧昔遊西臺山歸來高臥東盤山一十九年心相關
四十二日重往還借問臺山何所有老僧與詩廿五首
千里烟花五頂雲氤氳飄灑落襟肘老僧日居名山深
猶然不斷名山心嗟予空學宗少文山水滿壁無清音
康熙丁丑 七言古詩 是年秋遊房山詩另作一卷

勸孝廉晉仲緒飲

玉紅草堂

卷之三

七言古詩

九

去年喜秋風今年怨春風滿手桂花香滿眼杏花紅春
未殘君不老君嫌得意比人遲我嗟失意比君早世間
萬事等浮烟惟有盃中之物難草草勸君酒聽我歌不
歌復不飲其如今夕良夕何

大風歌

大風送春春欲歸千樹萬樹殘花飛公子冶遊不知返
黃金正多白馬肥白馬肥壓芳草只恐芳草衰公子歸
來老

嗟汝歌

嗟汝不來兮誰與我言嗟汝肯來兮不與我言嗟與我
言兮非我言嗟非我言兮我何言

送春

吟詩送春春不知。春光豈喜愁人詩。春光一去有來日。
詩人愁絕無了時。春來春去不相顧。桃李自飛車馬路。
詩成深閉小園扉。蒼蒼獨對孤松樹。

白雲吟送張笨山歸黃崖

黃崖山白雲深。君向黃崖山中去。送君一歌白雲吟。
白雲吟未已。惻惻傷我心。我心何以爲。君傷傷君恨抱終。
天長萋萋芳草綠。千里雲山滿眼白。茫茫昔聞陶弘景。
白雲自怡悅。今日白雲中。君腸幾斷絕。又聞狄梁公。遠
望白雲野。白雲雖悠悠。親猶舍其下。可憐今日白雲邊。
紛紛素車與白馬。嗚乎白雲吟。吟罷白雲飛。一片岵兮
迷朝暉。一片岵兮迷夕暉。白雲白雲何所依。

黃昏

玉紅草堂

卷之三

七言古詩

二十

黃昏索莫一盃酒。主人仰面客垂首。垂首仰面各有思。
風吹短蠟殘烟走。烏聲哀蛙聲惱。樹影乾花光槁。人生
混混夢中老。夢中猶逢一笑少。休將怨氣吹上天。天已
悽悽五千年。

堂堂曲

側堂堂撓堂堂百尺樓。高歌遶梁四面雄。風快大王下。
有青草園不秋色。已荒火雲含熱沙。飛灑枯藤床中有。
讀書子坐臥生徬徨。旣不得夢華胥之國。又不能入無。
何有之鄉。手拔長劍。砍青光重寫離騷。哭楚江焉得遙。
遙風雨來。瀟湘霹靂滿天心。清涼。

與張笨山聯字得此一首

秋氣早生積雨濕。一蟲死抱草根泣。窮巷夕陽照不入。

倚梧獨向涼雲立

苦雨謠

東家墻西家傾南家屋北家通相看同在泥塗中

悲歌

嗟管蔡之被誅兮而誅之者云聖人嗟隱巢之被殺兮而殺之者云明君嗟首陽之兩餓夫兮安足云

康熙戊寅 七言古詩

看劍飲酒歌

墻頭劍一口。床頭酒一斗。床頭酒未盡。墻頭劍欲吼。拔我墻頭劍。飲我床頭酒。酒到口。劍在手。酒花飛。劍光走。雙耳忽已熱。壯心何嘗朽。酒醉猩猩劍屠狗。酒兮劍兮我何有。

玉紅草堂

卷之三 七言古詩

三

思悲翁曲

思悲翁悲翁悲可思。悲翁悲自知。我思悲翁翁悲誰

與張笨山聯字得此一首題曰巫娥

煖翠小屏深。疊疊巫娥斜倚雲。花裂青絲亂。雨飛明光七十二峯羅。空牀魚冠僊佩丹霞裳。鸞旌倒曳靈風香。天潢老女隔水泣。冷綃霧薄湘玉濕。

殘鶯曲

柳條烟重風不起。煖花如雪入空水。金衣公子歸未歸。文杏梁生新燕子。雙柑斗酒復何人。嬌啼宛轉聲難新。

娜嬛遊

娜嬛天帝藏書處也。張華會夢遊之。

咸池棲鳥海走兔。罡風暗掃紅雲路。太乙老子持青炬。

照人遙入 卿嬛去昌谷書生尚黑頭讀書高坐白玉樓
云是天帝藏書處張華到後無人遊爲余開卷迷五色
鳥篆龜文不可識我欲問字住卿嬛天雞一唱墮空烟

後卿嬛遊

大酉小酉書滿山不容一字流人間天帝有書天更密
紅雲碧霧鎖卿嬛我扣卿嬛索書讀南斗大笑北斗哭
爾莫讀書減爾福假爾以壽益爾祿百年醉飽事堪悲
生不讀書生何爲

金翅鳥

金翅鳥種種莊嚴色食龍肺飲鳳血鳳群空龍種絕頭
上如意珠光滅

張念茲招飲濯纓堂歌以贈之

玉紅草堂

卷之三 七言古詩

三

多汝不爲章句儒詩史千卷羅書厨多汝不作高陽徒
西京酒滿玻璃壺我來飲酒讀汝書捲簾爲我清庭除
異香烟起博山爐中堂高掛射虎圖聽汝兵法談孫吳
看汝慷慨擊昆吾我據胡床胆亦粗拋書大笑酒頻呼
嗟汝兄弟困且孤汝兄懦懦何爲乎汝兮汝兮烈丈夫
汝兄賴汝相持扶

塞上太平春

燕支山下飛春風氍廬耀日猩血紅將軍繡甲裹玲瓏
錦衣寶玦連錢驄吳娥越女顏灼灼馬上能舞龜茲樂
琉璃注酒凝酥花黃羊大尾銀刀削少年營將騎成群
彎弓亂射高空雲雲中歸鴈無歸處東號西墜哀紛紛

讀桃花源記作

柴桑先生不耐煩意中撰出桃花源世上桃源處處有
只恐漁人告太守於今太守狂於秦焉能逃避爲逸民
南陽劉子高尚士未到武陵尋病死柴桑先生稱知心
把臂共入桃花林

芝郎以枸杞酒飲我因爲此歌以謝之

枸杞子枸杞根芝郎得自老人村子如琥珀根如狗用
浸紅糯堆花酒雙手濃斟上予壽一飲煖香送滿口勸
一卮歌一枝合予白頭生青絲

多心謠

好多心嫌多心割去一心畱一心畱得一心不一心心
分心兮誠何心

與張笨山聯字得此一首

玉紅草堂

卷之三

七言古詩

三

翠尾鳳子飛無聲半天紫雲垂青城玉樓小立衣烟輕
撲來短袖團花明香泉不斷下冷峽珠跳雪走鳴琮琤
濕霞欲醉春螺紅騎羊小兒吹鷺笙

康熙己卯 七言古詩

古道芳草行

咸陽舊日王孫道王孫老盡行人少可憐仍被春風吹
年年獨自生芳草芳草生古道暗千金駿骨何處埋愁
烟濃壓車聲斷一雙蝴蝶東復西芳草滿眼空萋萋

打野鴨謠

家鴨不畏人野鴨畏人打朝向灘頭鳴暮作盤中鮓家
鴨莫笑野鴨癡野鴨尙有高飛時

海雪

頽雲濃霧幾千里癡龍僵卧滄溟底釣鰲仙子驅白羊
亂削崑岡填海水海水茫茫填不起玻璃凝綠珊瑚紫
十岳野鶴飛上天扶桑老烏凍欲死鮫人裂綃空中泣
珠光碎落寒烟濕成連舟重不歸來盧敖遊處梅花開
紀獵與諸姪同出時十一月十六日也

城南三里開門旗馬分鴈翅圍如箕霜重草深霧未起
棲雉奔兔遠近死老夫十載不行獵今復見獵心尙喜
割燔羊斟酪酒下馬醉飽上馬走紛紛齊呼放鷹狗狗
忽不追鷹頻落眼中鳥獸俱將脫兒輩怒發氣凌雲紫
貂短襖白豹裙烏號弓響獲多禽海風烈烈天黃昏
與張笨山聯字得此一首

隔欄夕花撲屏濕嬌絃欲語紅牙澁半天孤夢散銀浦
玉紅草堂 卷之三 七言古詩 二

斷峯斜倒烟中立翠釵金鳳香不飛白馬阿子帶酒歸
與張笨山高兩詩聯字得此一首

魚跳月湧愁霧薄涼颼不動銀河落老竹哭裂聲入天
蠻孃嘈雜哀絃弱嬌雷怒雨巫峽長千日一醉空蕭索
美才惡子情恍惚狂花飛香散羅幕

嗟彼二章

嗟彼林中雀來喙網中粟粟粒未及化羽碎肉已熟雀
兮謀生生反傾何不忍飢棲空城
嗟彼水中魚不見水中網漁人機術深江湖非不廣魚
兮旣不能吞舟何如溝渠爲泥鯁

塞雪

北風千里雪滿野霏霏不辨來羊馬何人呼鷹寒雲中

狼頭燼捲陰山下
邏堞傳烽火
不明但聞鳴
鳴哀角聲
種瓜詞

手把水園種
踟躕立空野
不得馬湘盃
肯種黃臺下
黃臺瓜熟摘
便空焉得綿
綿藏雪中

登樓歌

登高樓兮秋清望
遠野兮含情
飛落照兮鷺影
叫衰柳
兮蟬聲
嗟遙遙兮美人
欲相見兮無因
一寸心兮生塵
九迴腸兮轉輪

潭花曲

庚辰年作

春風何太閒
吹到空潭
潭花潭水香
不定灼灼流
明霞有
人家在潭上
住不飲潭水
飲花露

玉紅草堂

卷之三

七言古詩

三五

玉紅草堂七言古詩卷之三終

